



UGOVOR

o javnoj nabavci usluga revizije seta finansijskih izvještaja o poslovanju za 2020. godinu

KJKP Sarajevogas d.o.o., Sarajevo, Ul. Fadile Odžaković Žute br. 4, Sarajevo, BiH
Koga zastupa: V.D. Direktor Preduzeća Ibrahim Karahodžić, dipl.ing.maš.(u daljem tekstu: Ugovorni organ)

i

«Baker Tilly Re Opiniod.o.o.» Ul. Grbavička 4, Sarajevo ,BiH,
Koga zastupa: Direktor, Nihad Fejzić,(u daljem tekstu: Prodavac)

PREDMET UGOVORA

Član 1

Predmet ovog ugovora je nabavka usluga revizije seta finansijskih izvještaja o poslovanju za 2020. godinu po konkurentskom zahtjevu za dostavljanje ponuda br.: KN-05-19/20. Prodavac usluga je dostavio ponudu na specifikaciji ugovornog organa broj SP-OJ04-KN-05-19/20-01, koja je priložena ovom ugovoru i predstavlja njegov sastavni dio.

OBIM REVIZIJE

Član 2.

Prodavac usluga revizije seta finansijskih izvještaja o poslovanju za 2020. godinu je prema zahtjevima Ugovornog organa, a u cilju uspješnog izvršenja ovog ugovora obavezan da:

- provede predrevizijske radnje u novembru mjesecu i da ugovornom organu pismeno podnese izvještaj o utvrđenom stanju, u mjesecu decembru 2020. godine,
- prisustvuje godišnjem popisu imovine i obaveza,
- dostavi Nacrt revizorskog izvještaja za 2020. godinu najkasnije do 20. februara 2021. godine
- dostavi konačan izvještaj o reviziji seta finansijskih izvještaja za 2020 godinu najkasnije do 25. februara 2021. godine.
- reviziju provede u skladu s MSFI, MRS i Zakonom o računovodstvu i reviziji FBiH („SL.novine F BiH“ br: 83/09), a koja uključuje ispitivanje, testiranje i prikupljanje dokaza koji potkrepljuju iznose i objave u finansijskim izvještajima, kao i ocjenu primjenjenih računovodstvenih načela i računovodstvenih politika, te zvaničnih procjena rukovodstva firme, izradu izvještaja nezavisnog revizora o realnosti i objektivnosti računovodstvenih iskaza o svim značajnim pitanjima položaja KJKP „Sarajevogas“ d.o.o. Sarajevo, kao i rezultata poslovanja iskazanih u bilansu stanja i bilansu uspjeha.
- obavi izvjesne konsultantske usluge vezane za proces revizije.

UGOVORENA CIJENA

Član 3.

Ugovorena cijena za usluge iz člana 2. ovog Ugovora iznosi:

Cijena usluga koja su predmet ovog Ugovora bez PDV-a iznosi:	10.000,00 KM,
PDV na ponudenu cijenu usluga iznosi:	1.700,00 KM,
Cijena usluga koja su predmet ovog Ugovora sa PDV-om iznosi:	11.700,00 KM.

Cijena za vrijeme trajanja ugovora ostaje nepromjenjena.

PLAĆANJE



Član 4.

Ugovorni organ će Prodavcu usluga plaćanje cijene iz člana 3. ovog Ugovora izvršiti nakon isteka roka od 60 (šezdeset) dana po prijemu uredno ispostavljene poreski ispravne fakture za izvršenu uslugu, na transakcijski račun naznačen na fakturi.

Prodavac je dužan izdati/sačiniti fakturu u skladu s odredbama pozitivnih propisa, u suprotnom ista neće biti plaćena i bit će vraćena Prodavcu na usklađivanje.

Uslovi plaćanja i drugi uslovi koje Prodavac jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

DINAMIKA REALIZACIJE REVIZIJE

Član 5.

Prodavac se obavezuje da će usluge definisane članom 2. ovog Ugovora izvršiti prema definisanom Dinamičkom planu obavljanja revizije koja je prihvaćena od strane Ugovornog organa i sastavni je dio ovog Ugovora.

Rok izvršenja usluga je 624 (šeststotinadvaesetčetiri) sati utrošenih u prostorijama ugovornog organa za izvršenje usluga koja je predmet nabavke.

Mjesto izvršenja usluga Prodavca su poslovne prostorije Ugovornog organa.

UGOVORNA KAZNA

Član 6.

U slučaju kašnjenja u izvršenju posla do kojeg je došlo krivicom odabranog ponuđača isti će platiti ugovornu kaznu u skladu sa Zakonom o obligacionim odnosima u iznosu od 1% naručene usluge za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti usluge koja je predmet narudžbe.

Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveza postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

OSNOVNE OBAVEZE PRODAVCA

Član 7.

Pored obaveza predviđenih važećim propisima, Prodavac je posebno dužan da usluge iz člana 2. ovog Ugovora izvrši stručno i kvalitetno, u svemu prema datoj ponudi.

Član 8.

Prodavac nije ovlašten da zaključuje podugovore sa drugim licima u cilju realizacije ugovornih obaveza bez prethodnog pismenog odobrenja Ugovornog organa.

OSNOVNE OBAVEZE UGOVORNOG ORGANA

Član 9.

Ugovorni organ se obavezuje da osigura sredstva za plaćanje, u skladu sa načinom plaćanja (definisanim članom 4. ovog Ugovora).

Ukoliko ugovorni organ u ugovornom roku iz člana 4. ovog ugovora ne plati cijenu za izvršene usluge obavezan je prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

RASKID UGOVORA

Član 10.



Ugovorni organ ima pravo raskinuti ovaj Ugovor u slijedećim slučajevima:

- ako Prodavac ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa,
- ako Prodavac ne izvrši usluge kvaliteta datog u ponudi,
- ako poslije djelovanja više sile nije moguće nastaviti realizaciju Ugovora.

Ugovor može biti raskinut izjavom Ugovornog organa ili Prodavca u pisanoj formi, a mora sadržavati razlog raskida Ugovora.

RJEŠAVANJE SPOROVA

Član 11.

Ugovorene strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorene strane ne postignu dogovor o spornim pitanjima, za rješenje spora nadležan je sud u Sarajevu.

ZAVRŠNE ODREDBE

Član 12.

Ugovorne strane su saglasne da sve što nije regulisano ovim Ugovorom primjenjuju se važeće odredbe Zakona o obligacionim odnosima.

Član 13.

Ovaj Ugovor stupa na snagu danom obostranog potpisivanja od strane ovlaštenih lica ugovornih strana i zaključuje se na period od 12 (dvanaest) mjeseci, počev od dana potpisivanja istog.

Član 14.

Ovaj Ugovor je sačinjen u 5 /pet/ istovjetnih primjeraka od kojih Ugovornom organu pripadaju 3 /tri/ primjerka a ostala 2 /dva/ Prodavcu usluga.

Za Prodavca:

Direktor, Nihad Fejzić

Broj ugovora: 1005/A/20-5473



Za Ugovorni organ:

Direktor Preduzeća, Ibrahim Karahodžić, dipl.ing.maš.

Izvršni direktor, Mr. Mehmed Mehović, dipl.occ.

Broj ugovora: 20/20

03-11-2020